



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-11-30829/20
Sarajevo, 17.08.2020. godine

Na osnovu Odluke o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2020. godinu, broj: 07-05-15-28764-1/20 od 11.08.2020. godine i člana 3. stav (6) Pravilnika o postupcima u provođenju Programa razvoja male privrede ("Službene novine Kantona Sarajevo", ("Službene novine Kantona Sarajevo", br. 17/16, 30/16, 42/16, 21/17 i 29/19), Ministarstvo privrede Kantona Sarajevo objavljuje

JAVNIPOZIV

za izbor banki - partnera za plasman kreditne linije uz subvencioniranje dijela troškova kamate od strane Ministarstva privrede za subjekte male privrede koji posluju na području Kantona Sarajevo

Pozivaju se poslovne banke da dostave ponudu za: "Plasman kreditne linije subjektima male privrede sa područja Kantona Sarajevo uz subvencioniranje dijela troškova kamate iz sredstava Budžeta Kantona Sarajevo – Ministarstva privrede za 2020. godinu". Sredstva za realizaciju kreditne linije uz subvenciju dijela troškova kamate obezbijedena su u Budžetu Kantona Sarajevo za 2020. godinu ("Službene novine Kantona Sarajevo", br. 10/20, 18/20 i 29/20), na poziciji Ministarstva privrede Kantona Sarajevo, ekonomski kod 614300, subanalitika IAN 055 . Prilikom ocjene ponuda posebno će se cijeliti sljedeći kriteriji:

- visina finansijskih sredstava za kreditnu liniju;
- visina kamatne stope (iskazana u %);
- visina troškova obrade kredita (iskazana u %);
- grace period (iskazan u mjesecima) i
- finansijski iznos uspješno implementiranih kreditnih linija subjektima male privrede u Kantonu Sarajevo sličnih onima na koje se odnosi ovaj javni poziv.

I PREDMET POZIVA

- Predmet Javnog poziva je prikupljanje ponuda za izbor dvije banke – partnera za plasiranje kreditne linije subjektima male privrede sa područja Kantona Sarajevo, uz subvenciju kamatne stope u visini do 3% i grace period od minimalno 6 (šest) mjeseci. Iznos subvencije za troškove kamate koju obezbeđuje Ministarstvo privrede Kantona Sarajevo planiran za jednu banku je 1.640.000 KM.
- Ministarstvo privrede Kantona Sarajevo ovim javnim pozivom poziva banke da, u skladu sa navedenim kriterijima i planiranim iznosom subvencije za jednu banku, dostave ponude za plasman kreditne linije uz subvenciju troškova kamate.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- c) Kvalifikacioni uvjet za daljnje razmatranje dostavljenih ponuda je da banke za ponuđeni iznos subvencije od 1.640.000 KM obezbijede finansijska sredstava za kreditnu liniju u iznosu od minimalno 32 miliona KM, a taj iznos sredstava i svi naredni ponuđeni veći iznosi sredstava za kreditnu liniju u ocjeni ponude učestvuju sa 20%.
- d) Ukupan iznos budžetskih sredstava za program: "Plasman kreditne linije subjektima male privrede sa područja Kantona Sarajevo uz subvencioniranje dijela troškova kamate", planiran Programom utroška sredstava sa kriterijima raspodjele sredstava "Poticaj razvoju male privrede" za 2020. godinu je 3.280.000 KM.
- e) Način ocjene i izbora ponude je propisan u poglavlju VI ovog Javnog poziva.
- f) Pravo na dodjelu poticajnih kreditnih sredstava uz subvencioniranje kamatne stope ostvaruju subjekti male privrede definisani u Zakonu o poticaju razvoja male privrede ("Službene novine Kantona Sarajevo", broj: 29/15), a koji na osnovu obavještenja Službe za statistiku o razvrstavanju prema klasifikaciji djelatnosti obavljaju registrovanu djelatnost unutar slijedećih područja djelatnosti prema Klasifikaciji djelatnosti KD BiH 2010 ("Službeni glasnik BiH", broj 47/10):
- C Prerađivačka industrija (osim oblasti 12 Proizvodnja duhanskih proizvoda i oblasti 19 Proizvodnja koksa i rafiniranih naftnih proizvoda);
 - F Građevinarstvo;
 - I Djelatnosti pružanja smještaja te pripreme i usluživanja hrane (hoteljerstvo i ugostiteljstvo);
 - J Informacije i komunikacije;
 - M Stručne, znanstvene i tehničke djelatnosti;
 - N Administrativne i pomoćne uslužne djelatnosti (osim oblasti 77 - djelatnosti iznajmljivanja i davanja u zakup (leasing) i 78 Djelatnosti posredovanja u zapošljavanju);
 - Q Djelatnosti zdravstvene zaštite i socijalne skrbi;
 - S Ostale uslužne djelatnosti (osim oblasti 94 Djelatnosti članskih organizacija).
- g) Kreditna sredstva uz subvenciju kamatne stope u visini do 3% i grace period od minimalno 6 (šest) mjeseci iz Budžeta Kantona Sarajevo namijenjena su subjektima male privrede u 2020. godini za ekonomsku stabilizaciju, održavanje likvidnosti, povećanje obima proizvodnje i/ili usluga, te očuvanje postojećih i obezbjeđenje novih radnih mjesta.
- h) Subjekti male privrede, korisnici kreditnih sredstava imaju obavezu da najmanje 20% iznosa odobrenih kreditnih sredstava plasiraju za nabavke mašina, opreme, tehnologije, rezervnih dijelova, a maksimalno 80% iznosa kreditnih sredstava za održavanje likvidnosti, dugoročno finansiranje obrtnih sredstava koja se konstantno upotrebljavaju u poslovnom ciklusu i/ili za dugoročno finansiranje obrtnih sredstava potrebnih u proizvodnji i/ili za dugoročno poboljšanje ostalih poslovnih aktivnosti.
- i) Banka obezbjeđuje kreditnu liniju za subjekte male privrede u iznosu do 1,000,000.00 KM na rok do sedam godina (84 mjeseca) koji ne uključuje ugovoreni grace period.
- j) Ugovorom između Kantona Sarajevo – Ministarstva privrede i odabrane banke će se regulisati pravo i uslovi podnošenja prijave za kreditna sredstva iz ove kreditne linije, visina kreditnih sredstava, visina i način realizacije subvencionirane kamatne stope, te način monitoringa i izvještavanja Ministarstva privrede o korisnicima ove kreditne linije. Krajnji rok za realizaciju ugovora je 31.12.2020. godine uz mogućnost produženja roka u slučaju da se u tom roku ne iskoriste cjelokupna sredstva planirana za subvenciju kamata.
- k) Sredstva Budžeta Kantona Sarajevo ne mogu se koristiti u svrhu otkupa kreditnih obaveza po ranije preuzetim kreditima kod drugih banaka i za obavljanje sljedećih djelatnosti:



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i igara na sreću

- l) Sredstvima Budžeta Kantona Sarajevo ne mogu se finansirati državne institucije, javna preduzeća, neprofitne fondacije, udruženja i organizacije, kao ni sve vrste finansijskih institucija uključujući i druge banke.

II OBAVEZE BANKE

- a) Obaveza Banke je da nakon zaključivanja ugovora o saradnji sa Ministarstvom privrede objavi javni poziv za dodjelu poticajnih kreditnih sredstava, s tim da se prijave sa potpunom i potrebnom dokumentacijom u skladu sa javnim pozivom podnose Banci. Odobreni kredit po jednom korisniku ograničava se iznosom do 1.000.000,00 KM sa maksimalnim rokom otplate u zavisnosti od vrste i visine kreditnog zahtjeva od 36 do 84 mjeseci, a koji ne uključuje ugovoreni grace period. Javni poziv za subjekte male privrede je otvoren do iskorištenja sredstava namjenjenih za subvenciju kamate, do 31.12.2020. godine, uz mogućnost produženja roka u slučaju da se ne potroše predviđena sredstva za subvencije a što će ugovorne strane propisati u zaključenom ugovoru.
- b) Prijem zahtjeva, proces analize, obrade i odobravanje finansiranja iz sredstava kreditne linije po ovom Ugovoru vršit će se u skladu sa Zakonom o poticaju razvoja male privrede u Kantonu Sarajevo, ugovorom, javnim pozivom i propisanim postupkom banke u roku ne dužem od 45 dana od dana podnesenog zahtjeva. Prioritet u ostvarenju poticaja imaju sve proizvodne, a posebno izvozno orijentisane djelatnosti.
- c) Banka, uz pismenu saglasnost Ministarstva privrede na od strane banke dostavljeni prijedlog kreditiranja, zaključuje ugovore sa korisnicima najkasnije u roku od 45 dana od dana podnesenog zahtjeva. Za računovodstvenu evidenciju finansiranja iz ovih sredstava i za tačnost informacija garantuje odabrana/e banka.
- d) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u cjelosti snosi rizik naplate odobrenih poticajnih kreditnih sredstava – glavnice i pripadajuće kamate.
- e) Banka se obavezuje da nakon zaključenog ugovora sa Ministarstvom privrede i objavljenog javnog poziva za dodjelu poticajnih kreditnih sredstava subjektima male privrede sa područja Kantona Sarajevo realizira najmanje 75% ugovorene kreditne linije.
- f) Banka se obavezuje da će odobrenu kreditnu liniju i rezultate koje ista ostvari, bez naknade promovisati putem elektronskih i printanih medija tokom cijelog trajanja ugovora, te izvještavati Ministarstvo privrede o namjenskom trošenju kreditnih sredstava u formi koju ugovorom usaglase Ministarstvo privrede i banka. U skladu sa ugovorom banka vrši kontinuirani monitoring o namjenskom utrošku sredstava.

III MJESTO I NAČIN PODNOŠENJA PONUDE

Ponudač dostavlja ponudu u originalu i podnosi je u zatvorenoj koverti na protokol Kantona Sarajevo ili putem pošte. Na prednjoj strani koverta, mora biti navedeno:

Naziv: Kanton Sarajevo – Ministarstvo privrede

Adresa: Ulica Reisa Džemaludina Čauševića 1, 71000 Sarajevo

Na koverti obavezno naglasiti: "Ponuda za pružanje bankarskih usluga - NE OTVARAJ"

Na poleđini koverta obavezno se navodi: naziv podnosioca ponude, adresa i kontakt telefon, te se ovjerava pečatom. Ponuda se čvrsto uvezuje na način da se onemogućí naknadno vađenje ili



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



umetanje listova. Stranice ponude se označavaju brojem na način da je vidljiv redni broj stranice. Ponuda, bez obzira na način dostavljanja, mora biti zaprimljena do datuma navedenog u javnom pozivu. Sve ponude zaprimljene nakon tog vremena su neblagovremene.

IV ROK ZA PODNOŠENJE PONUDA NA JAVNI POZIV

Rok za dostavljanje prijave je 30 (trideset) dana od dana objave Obavještenja o ovom Javnom pozivu u "Službenim novinama Kantona Sarajevo". Obavještenje o ovom javnom pozivu objaviti će se u dnevnom listu "AVAZ". Potpuni tekst Javnog poziva poziva se može preuzeti na službenoj web stranici Ministarstva privrede. Nakon isteka roka za podnošenje ponuda po ovom javnom pozivu, Ministarstvo privrede će elektronskim putem (e-mail) obavijestiti sve podnosiocce ponude o datumu, vremenu i mjestu javnog otvaranja dostavljenih ponuda.

V USLOVI ZA UČEŠĆE

Opća dokumentacija:

- a) Rješenje o upisu u sudski registar;
- b) Dokaz o dozvoli za rad (licenca) od Agencije za bankarstvo Federacije BiH;
- c) Certifikat Agencije za osiguranje depozita;
- d) PDV i identifikacijski broj;
- e) Dokaz o adekvatnost kapitala na dan 31.12.2019. godine koja ne smije biti manja od 15%;
- f) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Porezne uprave Federacije BiH ne starije od tri mjeseca od dana podnošenja prijave;
- g) Uvjerenje nadležnog suda ili organa uprave kod kojeg je ponuđač registrovan kojim se potvrđuje da isti nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
- h) Izjava da visina kapitala na dan 31.12.2019.godine, nije manja od 100 miliona KM; i
- i) Kompletan set finansijskih izvještaja u skladu sa Odlukom o formi izvještaja koje banke dostavljaju Agenciji za bankarstvo za posljednji kvartal 2019. godine.

Posebna dokumentacija:

Izjava ponuđača o tehničkoj opremljenosti i osposobljenosti za izvršenje traženih usluga (broj filijala/podružnica/ispostava Banke u Kantonu Sarajevo) i Izjava ponuđača kojom potvrđuje - dokazuje finansijski iznos uspješno implementiranih kreditnih linija subjektima male privrede u Kantonu Sarajevo u prethodne 2 (dvije) godine, a koje kreditne linije su slične onima na koje se odnosi ovaj javni poziv.

Napomena: Sve kopije dokumenata moraju biti ovjerene od strane nadležnog tijela uprave ili notara ovjerom ne starijom od 3 (tri) mjeseca, računajući od dana objave Javnog poziva.

VI OCJENA I IZBOR PONUDE

- a) Izbor banke za plasman kreditne linije uz subvenciju kamatne stope u visini do 3% i grace period od minimalno 6 (šest) mjeseci od strane Ministarstva privrede provodi Komisija, a istu u skladu sa zakonskim propisima imenuje Ministar privrede Kantona Sarajevo.
- b) Kvalifikacioni uvjet za daljnje razmatranje dostavljenih ponuda je da banke za ponuđeni iznos subvencije od 1.640.000 KM od strane Ministarstva privrede, obezbijede finansijska



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- sredstva za kreditnu liniju u iznosu od minimalno 32 miliona KM, a taj iznos sredstava i svi naredni ponuđeni veći iznosi sredstava za kreditnu liniju u ocjeni ponude učestvuju sa 20%.
- c) Nakon provedenog postupka po ovom javnom pozivu i sačinjavanja rang liste, Ministarstvo privrede Kantona Sarajevo zadržava pravo da sljedeće plasiranoj poslovnoj banci sa rang liste, a koja prihvati uvjete iz ponude koju je dostavila prvoplasirana banka, ponudi zaključenje ugovora pod istim uvjetima kao i prvoplasiranoj banci.
- d) U slučaju da sve ostale banka sa sačinjene rang liste odbiju da zaključe ugovor pod uvjetima koje je dostavila prvoplasirana banka, Ministarstvo privrede će o preostalom dijelu planiranih sredstava za "Plasman kreditne linije subjektima male privrede sa područja Kantona Sarajevo uz subvencioniranje dijela troškova kamate iz sredstava Budžeta Kantona Sarajevo – Ministarstva privrede za 2020. godinu" donijeti posebnu odluku.

Kriteriji za ocjenu ponude


- a) visina sredstava za kreditnu liniju \geq 32.000.000 KM--učesće 20% ----- max. 20 bodova
- b) visina kamatne stope ----- učesće 40% ----- max. 40 bodova
- c) visina troškova obrade kredita ----- učesće 15% ----- max. 15 bodova
- d) grace period (iskazan u mjesecima) ----- učesće 20% ----- max. 20 bodova
- e) finansijski iznos uspješno implementiranih kreditnih linija subjektima male privrede u KS
sličnih onima koje se odnosi na ovaj javni poziv ----- učesće 5% ----- max. 5 bodova

Nije dopušteno dostavljanje alternativnih ponuda po bilo kojem od navedenih kriterija.

U slučaju da više banaka, nakon ocjenjivanja ponuda, ostvare isti broj bodova, prednost u izboru ekonomski najpovoljnije ponude, imat će ponuda banke čija je veća visina kapitala na dan 31.12.2019.godine. Ugovor se dodjeljuje banci koja je u skladu sa navedenim kriterijima dostavila ekonomski najpovoljniju ponudu. Sve banke, učesnice na javnom pozivu, će biti obaviještene o odluci i rezultatu postupka izbora banke, u roku od 7 dana od donošenja odluke.

VII OSTALE ODREDBE

U postupku po Javnom pozivu Ministarstvo ne snosi nikakve troškove učesnika Javnog poziva, te zadržava pravo da poništi Javni poziv, ili da odbaci sve ponude, u bilo koje vrijeme prije zaključenja ugovora. Podnosiocu ponude koja udovoljava formalno-pravnim uslovima iz Javnog poziva, a koji bude odbijen zbog manje ocjenjene ponude na njegov pismeni zahtjev, Ministarstvo privrede Kantona Sarajevo će obrazložiti razloge zbog kojih isti nije odabran. Prispjela dokumentacija se ne vraća podnosiocu ponude. Sve dodatne informacije vezane za Javni poziv mogu se dobiti svakim radnim danom putem telefona: 033/ 562,119.



MINISTAR,
Draško Jelčić, dipl.ecc.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

